

**2000 nr. 17 14. apríl****Lög um framkvæmd samnings um bann við þróun, framleiðslu, söfnun og notkun efnavopna og um eyðingu þeirra**

Tóku gildi 28. apríl 2000. Breytt með l. 164/2002 (tóku gildi 1. jan. 2003), l. 162/2010 (tóku gildi 1. jan. 2011) og l. 126/2011 (tóku gildi 30. sept. 2011).

**■ 1. gr. Efnavopn.**

Í lögum þessum merkir efnavopn:

a. eiturefni og forstigefni þeirra, nema þau séu ætluð til nota sem ekki eru bönnuð samkvæmt samningi um bann við þróun, framleiðslu, söfnun og notkun efnavopna og um eyðingu þeirra frá 13. janúar 1993, enda samræmist gerð og magn efnanna slíkum notum;

b. skotfæri og tæki sem sérstaklega eru gerð til að valda bana eða öðrum skaða með eituráhrifum eiturefna skv. a-lið er leysast mundu úr læðingi við beitingu slíkra skotfæra eða tækja;

c. hvern þann búnað sem sérstaklega er gerður til að nota í beinum tengslum við beitingu skotfæra eða tækja skv. b-lið.

**■ 2. gr. Bann við meðferð efnavopna.**

Enginn má þróa, framleiða, afla, safna, nota eða hafa í vörslu sinni efnavopn né afhenda slík vopn þannig að það stríði gegn samningnum um bann við þróun, framleiðslu, söfnun og notkun efnavopna og um eyðingu þeirra.

**■ 3. gr. Innleit eftirlit.**

[[Ráðherra]<sup>1)</sup> fer með framkvæmd mála samkvæmt lögum þessum í samstarfi við [þá ráðherra er fara með málefni almannaoryggis og málefni varnarsvæða].<sup>1)</sup><sup>2)</sup>]

[Umhverfisstofnun fer með eftirlit með framkvæmd laganna og samningsins um bann við þróun, framleiðslu, söfnun og notkun efnavopna og um eyðingu þeirra. Ríkislöggreglustjóri annast framkvæmd samningsins að því er varðar við búnað fyrir almenning.]<sup>2)</sup>

[Umhverfisstofnun]<sup>2)</sup> getur krafist allra upplýsinga og annarra gagna sem nauðsynleg þykja við athugun einstakra mála.

[Umhverfisstofnun]<sup>2)</sup> getur að undangengnum dómsúrskurði gert nauðsynlegar athuganir á starfsstað og lagt hald á gögn þegar ríkar ástæður eru til að ætla að brotið hafi verið gegn lögum þessum. Við framkvæmd athugunar skal lögregla veita [Umhverfisstofnun]<sup>2)</sup> nauðsynlega aðstoð.

Á varnarsvæðum fer [hlutaðeigandi ráðherra]<sup>1)</sup> með lögsgötu samkvæmt lögum um yfirstjórn málá á varnarsvæðum. Getur hann samið við hæfa aðila að mati [Umhverfisstofnunar]<sup>2)</sup> um framkvæmd eftirlitsins, sbr. lög um hollustuhætti og mengunarvarnir.

<sup>1)</sup> L. 126/2011, 297. gr. <sup>2)</sup> L. 164/2002, 11. gr.

**■ 4. gr. Alþjóðlegt eftirlit.**

Eftirlitsmönnum sem starfa á grundvelli samningsins um bann við þróun, framleiðslu, söfnun og notkun efnavopna og um eyðingu þeirra er heimilt að framkvæma hérlandis skoðanir sem kveðið er á um í samningnum í þeim tilgangi að fylgjast með því hvort Ísland framfylgir skyldum sínum samkvæmt samningnum. Fulltrúar [þess ráðuneytis er fer með málefni varnarsvæða]<sup>1)</sup> og [Umhverfisstofnunar]<sup>2)</sup> skulu vera viðstaddir slískar skoðanir.

Eftirlitsmenn sem starfa á grundvelli samningsins um bann við þróun, framleiðslu, söfnun og notkun efnavopna og um eyðingu þeirra skulu njóta friðhelgi og forrétinda hér á landi eins og kveðið er á um í samningnum.

<sup>1)</sup> L. 126/2011, 297. gr. <sup>2)</sup> L. 164/2002, 12. gr.

**■ 5. gr. Reglugerðarheimild.**

Ráðherra sem í hlut á getur í reglugerð sett nánari ákvæði um framkvæmd laganna.

**■ 6. gr. Refsiákvæði.**

Brot gegn lögum þessum varða sektum eða fangelsi allt að fjórum árum. Nú er brotið ítrekað eða stórfelt og getur refsing þá orðið fangelsi allt að sex árum.

Tilraun eða hlutdeild í brotum samkvæmt lögum þessum er refsiverð skv. III. kafla almenra hegningarlaga.

**■ 7. gr. Gildistaka.**

Lög þessi öðlast þegar gildi.